



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonalno tužilaštvo Srednjobosanskog
kantona/Kantonalno tužiteljstvo Središnja Bosna
Travnik

Broj: T06 0 KT 0034561 24
Travnik, 30.10. 2025.godine

KANTONALNOM SUDU U NOVOM TRAVNIKU

Na temelju odredbe članka 45 stavak 2 točka i) i članka 241 stavak I Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 05.01.2026. godine

Protiv:

F. I.,

nalazio se u pritvoru po Rješenju Kantonalnog suda u Novom Travniku, a pritvor trajao od 28.03.2025.godine do 15.04.2025.godine,

Zbog postojanja osnovane sumnje da je:

Dana 29.10.2023.godine, oko 00,20 sati, po prethodnom dogovoru sa malodo-bnim A.V. upotrebom sile i prijetnjom da će izravno napasti na život, oduzeli tuđu pokretninu s ciljem da njenim prisvajanjem pribave sebi protupravnu imovinsku korist, na način da su došli u mjesto Podgoricu na adresu ulica ***, Crna Gora, na kojoj adresi su kao turisti boravile oštećena N. G. i A. K., a potom su pozvonili na vrata stana u kojem se nalazila sama oštećena N. G., te kada je ista otvorila vrata, nasilno su u ušli u stan, tako da su vrata naglo gurnuli pri čemu su vratima udarili oštećenu u predjelu glave te su vrata zatvorili, a potom je F. I. uz prijetnju nožem koji je oštećenoj stavio pod vrat naredili da uđe u dnevnu sobu i da pokaže gdje se nalazi novac i na engleskom jeziku zahtijevali da im se preda novac, pa dok je F. I. držao oštećenoj nož pod vratom, za to vrijeme malodobni A.V. po dogovoru je vršio premetačinu stvari po stanu, kojom prilikom su oduzeli i prisvojili novac u iznosu od 9.200,00 eura, 2.110,00 američkih dolara, 7.000,00 indijskih rupija, 80,00 rupija Šri Lanke, 140,00 Gruzijjskih larija, kao i jednu zlatnu ogrlicu i dvije zlatne narukvice, svjesni da upotrebom sile i prijetnje da će napasti na život pribavljaju tuđu pokretninu a što su i htjeli,

nakon čega su oštećenu zaključali u kupatilu i napustili lice mjesta sa oduzetim novcem i zlatom, na koji način su oštetili oštećenu N. G. te sebi pribavili protupravnu imovinsku korist za vrijednost otuđenog novca i zlata,

Dakle, upotrebom sile i prijetnjom da će opasnim oruđem izravno napasti na život neke osobe oduzeli tuđu pokretninu u namjeri da njenim prisvajanjem pribave sebi protupravnu imovinsku korist.

Čime je počinio kazneno djelo Razbojništvo iz članka 289. stav 2. u vezi sa stavkom 1. i člankom 31. KZ F BiH.

TUŽITELJA
GLAVNOG ZAMJENIK
KANTONALNOG

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom